

Qauyihautit Nunaminngaaqtunit Uunaqtunit Huanngautighat Iqaluktuuttiaqmi Qauyuittumilu

Qulliq Alrualiqiyit Kuapuriissait (QEC), hivuani ilihimayauvaktut taimaa Nunavunmi Qulliliqiyit Kuapuriissat, 100%-mik Kavamatkunnit Nunavunmi (NU) nanminiriyait kuapuriissaayut inmittuat alrualiqiyiyut Aviktuqhimayumi. QEC-kut tajja qulliqagtittivaktut 25-nut nunallaarnut Nunavunmi aulapkaiplutik (25) avaliittunik makitayunik uqhuqyuaqtuqtunik huanngautinik tamangnik, talvuuna uqhuqyuaqturalgit. Kihimi, QEC-kut tajja qiniqhiahimmaatut nutaanik nutaannguqtaqtuniklu qulliqtuutighanik.

Nunaminngaaqtut huanngautit uunaqtumik nunaminngaaqtuq uunnaghiyaamik alruyaqturiamiklu avatinut mihingnaqpallaanngittumik ahiagut taapkua ikulattiyut paurnik. Qanittut qagaqtarviinut nunnam, qaangani imaq uunnaghimalaaqtuq ihuaqtukkut qulliqturnaqhitiyaamik. Ahinit nayugaqnit niklamatqiyauvaktuq, taimaalu ihuatqiyauyuq huanngautituriamik atauttikut uunnaghiyaamik ahinit atuqtaghanit. Qaangani nunnam ukiuqtaqtumi Kanatami naammaktumik uunnakpaktuq aturiamingnik uunaqnianik huanngautighatut, kihimi qauyihagtauyughat huli qanuq nakuuniqhakkut hanavalliyaamik hapkuninnga huanngautighanut pivighanik. Naunaitkutut qanurittaaghat uyarak imaqlu nunnam iluani iharianaqtuq ilihagpaalliriamik nunaminngaaqtumit uunaqtighanik kihimi hailihimayunik huittuqtaqtuq Nunavunmi.

Ilihaqpaalliqviat Alberta-mi hivuliqtuiyut angiyumik nunaminngaaqtumik huanngautighanut havaaghanik havakpaktut amihunit nayugaqnit Kanatami. Havaaghat hapkua qiniqhiahimmaapaktut havauhighanik qulliqtuqtittiyaamik ukiuqtaqtumiunut nunallaarnut.

Tughirautauyut qauyihautighat nunaminngaaqtunit qauyihainiaqtut qiniriamik ataani nunnam itiniqaqtumik 2 km-nik avatiinik nunallaat Iqaluktuuttiaq Qauyuittuqlu. Hapkua qauyihaghimayut ihumaliurutauniaqtut taapkuninnga (1) qanurittunik uyaraqariaghaat, (2) hilingnia qiqumayutuqag taimaalu (3) aktinia qanuritaaghaalu imaq. Malruk nunaminngaaqtunik qauyihautinik atuqniaqhimayut. Hivulliq taiyauvaktuq magnetotellurics (MT) atuqpaghutik ahiittunik naalautinik qauyihavaktut naalautikkut ilittuqhitinik hilaminngaaqtunik. Qauyihautit atatayut ingilrutainut hauyauvaktut pukittunit hauhimayunit hanalrutikkut taimaa itiniqaqtunik 30 cm-nik. Ingilrutik qimaktauvaktuq nipiliuriamik naunaitkutaghanik hivituyumik 24-nik ikaaqninik. Aippaa havauhiq qauyihavaktuq hakugingnianik nunaliviat tamangnit nayugaqnit ihumaliurutigivagaallu hilingnianik uyaqqat. Qauyihavangniat tamangnik havauhiit atuqhugit qauyihavqighanit avatiinut nunallaat.

Qauyihagtaunahuat Iqaluktuuttiaqmi Qauyuittumiklu havaqatigiingnit 4-5-nik inungnik havaqatigiigniaqtut 10-14-nikluuniit uplunik. Qauyihaiyit havaqatigiit hivuliqtiqarniaqtut Martyn Unsworth-mik, ilihaiyiryuanguyuuq nunaminngaaqtunik uunaqtunik Ilihaqpaalliqvianit Alberta-mi. Havaqatigiit havauhighaqhiuqpangniat ilaupkaiyaamik nunallaarmiut qauhitilugit qanuq havaaghait 2023-mi ikayuutauniariaghaat hanayunik nunaminngaaqtunik huanngautighanik Nunavunmi. Havaaghat Iqaluktuuttiaqmi parnaiyaqhimayuuq aulaluni 2 weeks-mik July 2023-mi Qauyuittumiu 2 weeks-mik August 2023-mi. Atauhiugaluq qauyihaiyunut havaqatauyuuq nunallaarmiutauniaqtuq ikayuqtighaq iliurayunik ingilrutinik anngutighaniklu qiniqhimaluni. Maniraqmi havaktut hiniktarviqalaittut havakviqarlualutik nunallaarnit.

Tamangnik qauyihavqighait tikitauvangniat nunakkuurutikkut pihughutiklu. Piksautit 1 taamnaluni 2 iittuqhitiyuq nayugaqnik qauyihavqighanik.



